

L. N. S. C.

DISSESSATIO ACADEMICA
DE
MORIBUS
GENTIUM EX LINGUA
EARUNDEM
ÆSTIMANDIS,

CUJUS

PARTEM PRIOREM,

*Consensu Ampl. SENATUS Philos. in Regia ad Au-
ram Academia,*

PRÆSIDE

MAG. JOHANNE
BILMARK,

HIST. & PHIL. PRACT. PROF. REG. & ORDIN.

Publico examini modeste submittit

Auctor & Respondens,

PETRUS WALLBERGH. Petri Filius
WIBURGENSIS.

In AUDITORIO MAJORI die XIX. Novembr.

Anni R. S. MDGCLXVIII.

H. A. M. S.

ABOÆ Impreßit JOH. C. FRENCHELL.

RELIGIÆ ACADEMIÆ ABOENSIS
h. t. RECTORI MAGNIFICO,

Dn. MAG. PETRO
ADRIANO GADD,

Chemiæ PROFESSORI Reg. & Ordin. DIRECTORI
Rei Plant. per Finlandiam, nec non Reg. Academ.
Scient. Holmens. MEMBRO,
MÆCENATI PROPENSISSIMO,

Ne ægre feras, MAGNIFICE DOMINE RECTOR, quod
Te, acuris Consularibus hoc tempore admodum distractum,
isthac ingenii tirocinio interpellare ausim. Dubius profecto
diu hæsi, quid potissimum agerem, quum nec molestus TIBI
esse voluerim, & tamen venerabundum, quo Te prosequor
animum, aliquo modo testatum reddere anxie cupiverim.
Vicit tandem animi aestum recordatio ingentis favoris, quo
me inde ab illo momento, quo ad gratissimam banc Musarum
sedem perveni, amplecti baudes designatus. Suscipias igitur,
MAGNIFICE DOMINE RECTOR, Specimen hoc Academicum,
quod in sinum benevolentiae TUÆ supplex devollo,
permittasque illud pignus esse pietatis in Te nunquam in-
termorituru. Quam si dederis veniam, Te autem daturum
spondet comperta facilitas, mibi nihil prius, nihil posterius
erit, quam Supremum Numen adsiduis defatigare precibus,
velit Te, MAGNIFICE DOMINE RECTOR, in longam
annorum seriem sospitem atque incolumen conservare, ut
Reipublicæ Litterariæ, TUÆ Familiæ & Clientum, quot-
quot TUI sumus, votis quam diutissime sufficias. Sic vovet
ad cineres usque permanfurus

MAGNIFICI NOMINIS TUI

Cliens humillimus

PETRUS WALLBERGH, Petri Filius.

VIRO Maxime Reverendo atque Amplissimo,
Dn. JOHANNI BORGSTRÖM,
S. S. Theologiae DOCTORI, in Gymnasio Borgoensi
Logices & Methaphysices LECTORI, nec non Con-
fistorii Ecclesiastici ADSESSORI;

NEC NON

VIRO Maxime Reverendo atque Amplissimo,
Dn. PAULO KROGIO,
S. S. Theologiae DOCTORI, in Gymnasio, quod Bor-
goæ floret, Eloquentia LECTORI, Confistorii Ecclesi-
astici ADSESSORI, atque PASTORI Ecclesiæ, quæ
DEo in Tusby colligitur, dignissimo,
PATRONIS BENIGNISSIMIS

*A*ltius animo meo reposa sunt ingentia beneficia, quibus
Vos, Patroni Benignissimi, me toto illo tempore, quo Mu-
sarum Borgoensium consortio frui mibi licuit, amplecti vo-
luisse, quam ut ulla vel temporis injuria vel locorum in-
tercedpine inde unquam obliterari queant. Vestræ enim be-
nevolentiae acceptum refero, tum quod inoffenso pede in
Litterarum stadio progreedi potuerim, tum etjam quod Ca-
menas Aboënses salutans, easdem mibi propensissimas inve-
nerim. Ne igitur mibi defuisse judicer, postulat officium ut
pietatem meam vobis aliquo pignore testatam redderem. In
tesseram igitur gratissimi animi suscipite Specimen hoc Aca-
demicum, Nominum Vestrorum decore & argumenti gravi-
tate commendabile. Quod reliquum est, ad Supremum Numen
calidissima semper fundam suspiria, velit Vos, omnigena fe-
licitate maestatos, in longam annorum seriem conservare. Sic
ex intimis cordis penetralibus vovet

Maxime Reverendorum Nominum Vestrorum
Cultor humillimus
PETRUS WALLBERGH, Petri Filius.

VIR O Plurimum Reverendo atque Clarissimo,
Dn. ANDREÆ HERKEPÆO,
Ecclesiae, quæ DEo in Kerimäki colligitur, PASTORI
vigilantissimo,
PARENTI CARISSIMO;

NEC NON


VIR O Plurimum Reverendo atque Doctissimo,
Dn. JOSEPHO HERKEPÆO,
Ecclesiae, quæ DEo in Cuopio colligitur, ~~conveniente~~ meritissimo,
PATRUO PROPENSISSIMO.

Sicut conjunctissima fuit vestra facilitas in me beneficis ornando; ita quoque ego gratum animum erga Patronos declaraturus NOMINA VESTRA post DEUM O. M. mihi carissima heic conjungere debui. In utroque Vestrum Paternum plane affectum expertus sum; nullis enim vel admonitionibus vel curis vel impensis unquam pepercisti, ut fortunam meam promoveretis. Gratias igitur tantas, quantas unquam pia mens concipere potest, *Vobis* ago habeoque, semperque agam habeoque maximas; referre enim rerum mearum habitus vix in posterum permettit. Suscipe igitur in pignus devotissimi animi dissertationem hanc Academicam, studiorum meorum primitias, quas supplex Vobis offero. De cætero nunquam intermittam, Supremum Numen quotidiani venerari precibus, velit VOS, felicitatis meæ columna, iis mandare bonis, quæ atatem Vestram lætam & a quibusuis malis immunem praestent. Hoc nuncupat votum, hæcce agitat suspiria, qui ad cineres usque permanebit

CARISSIMORUM NOMINUM VESTRORUM

obedientissimus Filius & devotissimus cultor,

PETRUS WALLBERGH, Petri Filius.



§. I.



Quamvis animæ & corporis, quæ binæ substantiæ integrum constituunt hominem, ingens sit disparitas, nec enim materiae ad immateriale ulla videtur esse relatio; arctum tamen adeo nexus inter nobilissimum hocce par instituit Supremum Numen, ut in tenerrimam societatem tam comimodorum, quam molestiarum veniant. Mitto jam modum, quo altera substantia in alteram agat, quem an quisquam adhuc Philosophus rite explicuerit, in me-

dio relinquimus: sed docet experientia, quod corpore
bene affecto, mens quoque incredibilem voluptatis sen-
sum percipiat. Corpore autem vel morbis languente
vel ebrietate obruto, mens etiam torpescit & obruitur,
nec ulla officiū sui parte rite defungitur. Vicissim men-
te laetabunda, corpus una gaudio adficitur, explicatur
corrugata frons, omnesque corporis partes veluti revi-
viscere ac gestire videntur. Si vero contingat, ut ea-
dem metu, tristitia, desperatione aliquae molestiori ad-
fectu turbetur, corpus quoque in doloris istius societa-
tem rapitur, adeo ut ipsum animi mœorem nonnun-
quam tabes in corpore, canities capillorum & ipsa mors
consequatur. Quamobrem licet anima immaterialis sit,
adeoque in sensus nostros non cadat, possumus tamen
ex variis corporis partibus, item ex sermone, motu,
variisque actionibus ejus statum & qualitatem plerumque
cognoscere. Enimvero nec instituti ratio, nec rerum
mearum habitus fert, ut nunc exponam cetera indicia,
ostendamque, quantum ipsa valeant ad animorum indol-
lem detegendam; sed quum Ipse SALVATOR, Cujus
verba veritas sunt, & Cui ne obscura quidem pectoris
adyta sunt inexplorata, fateatur: *Quod ex plenitudine cor-
dis os loquatur;* igitur operæ pretium me facturum ex-
stimavi, si partim rationibus partim exemplis ostendam,
quod mores Gentium, id est, ipsarum sive ad virtutes
sive ad vita propensiones ex lingua colligi queant. Ar-
duum omnino est hoc argumentum, quod multam
Psychologiæ & exactam veteris ac recentioris ævi peri-
tiā postulat, quam ipse mihi, qui a limine fere Mu-
fas saluto, non tribuo: experiar tamen quoisque in hoc
stadio progredi queam, felicem me prædicaturus, si
aliis ansam præbuerim, hanc doctrinam pro materia
dignitate überius explicandi.

§. II.

Inter cetera membra, quibus Optimum Nurture hominem instruxit, merito referimus *Linguam*, quæ licet nec magna sit, nec admodum organica videatur, res tamen maximas satis expedite ac valide exsequitur. Taceo hujus usum Physicum, quem eximium plane esse quotidie experimur, quum tertius sensus externus, scilicet gustus, in ipsa sedem habeat, de morali & civili ejus utilitate paucis acturus. Quum Sapientissimus Deus *Linguam* in altissima corporis humani parte collocaverit, nonne satis superque nobis ita declaraverit ejus præstantiam ac dignitatem? Deinde quum in confinio cordis ac cerebri collocataam voluerit, humanarum cogitationum interpretem, evidenter nos docet, eandem non discrepare debere a corde, sed obtemperantem esse rationi, cui subjecta est, nec prius tamen sensa animi prodere, quam, adhibitis in consilium vicinis sensibus, præcipue oculis atque auribus, quibus inter corporis externos sensus principatus tribuitur, secum probe constituerit, eloqui an tacere præstet. Sed multo magis consulendæ sunt interiores animæ facultates, nec quidquam in medium proferendum, nisi quod ipsæ conveniens judicaverint: alioquin enim perniciem pro utilitate, exitium pro officio, venenum pro remedio adferret hæc vitæ humanae moderatrix. Hujus quoque moderationis nos admonitos voluit Deus, dum aures sic homini finxerit, ut semper easdem habeat patulas, quæ nec claudi possunt nec averti; Linguæ contra valvas labiorum ac murum dentium objicit adversus effrenam ejus pestulantiam, ne temere scilicet effundat, quidquid in buccam venerit. Sed porro quid non exsequitur exile hocce membrum, quod ipsum intra angustum satis movetur gyrum? Mirati sunt veteres, merito an immerito non ego disquiram, piscem

Remoram corpusculo pusillo, halecis magnitudinem non superante, navem ingentein plenis velis, prospero & secundo vento concitatam repente sistere, sed longe majori admiratione dignum mihi videtur, Linguam multo minorem *remora* tot hominum millia, quocunque lubitum est flectere, concitare, modo armis inter se committere, modo rursus acies in impetum pronas subito sistere, & ferocissima corda adeo mollire, ut iracundiae cristas preter spem & opinionem deponant. Hinc merito cecinit Poëta:

Quid melius lingua, lingua quid pejus eadem?

In loquela autem, cuius instrumentum est lingua, distingvimus tam virtutes, quam vitia, quæ dispositiōnem animi indicant. Sicut enim in speculo figura faciei; ita quoque in verbis animi qualitas appetit. Ad illas imprimis referimus puritatem, elegantiam, concinnitatem, facilitatem, moderationem & festivitatem: ad hæc autem turpitudinem, barbariem, garrulitatem, balbutiem, jactantiam ac stridorem. Denique ne aqua forte cuiquam hæreat nostris legendis, obiter erit indicandum, quod per linguam heic intelligamus vocabula, quæ tamen non materialiter sumimus pro sonis articulatis, sed formaliter, quatenus vim significandi habent, seu ea intentione proferuntur, ut ea, quæ in anima latent, significantur.

§. III.

Qui veræ virtutis studio ducitur, non potest non tanto ejusdem amore flagrare, ut & ab ejus & a sua dignitate alienum putet, aliud proferre, quam quod excellentiam Creatoris, præstantiam virtutis & integritatem cordis sui arguat. Teneram adeo gerit animam, ut credit se impuris verbis, quæ forte per aures illabuntur, contaminari & de gradu, quem modestè tenet, deturbari.

An

An talis ingenii dispositio integræ cuidam genti vindicari possit, merito dubitamus. Verum quidem est, quod DEus populum Israëliticum in peculium sibi delegerit, & innumeris beneficiis præ ceteris gentibus admodum distinxerit; sed simul fatendum, quod isthac gens erga suum Creatorem & Benefactorem munificentissimum non eo semper, quo par fuit, modo sese gesserit, sed præcepta Ejus sepe temere sit transgressa. Interim tamen quum major pars intimum summi rerum omnium Moderatoris sensum habuerit, quem miracula in gratiam hujus gentis facta confirmarunt, lingua quoque Hebraica inter castigatissimas totius orbis erit referenda. Hinc dum Scripturam Sacram evoluimus, satis animadvertisimus, quod Sacri Vates & Oraculorum Divinorum exactissimi interpretes, tantæ studuerint verecundiæ, ut *εὐθυμιοτής* heic ubiuis favor deprehendatur. Sic in variis locis *ηὐλαβεῖν* *Dominuo* substitutum legimus pro *ηὐλαβεῖν* maledicere. Quum enim nihil Divina Majestate indignius, adeoque nihil horribilius, audituque gravius sit, quam si homuncio, qui pulvis tantum & cinis est, *Dominuo* ipsi maledixisse dicatur, mitius vocabulum, a contraria desumptum ratione, Scriptura Sacra adhibet. Vix enim veteres atrocius blasphemia crimen fangi posse, arbitrati sunt. Quamobrem VATABLUS adfirmat, veteres adeo abhoruisse a blasphemia, ut ne nominare quidem eam auderent. Eadem reperitur Styli Hebraici castitas in significandis aliis rebus, quæ vix absque rubore audirentur. Sic de conjugali cohabitatione, usurpatum verbum *γένεσις* quod cognoscere, sentire, experiri significat. Vid. GLASSII Phil. Sacra pag. 304. Nec ignota sunt Phrasæ, alam seu fimbriam alicujus detegere, nuditatem alicujus revelare, cubile Patris conscen-

dere, debitam benevolentiam uxori præstare, & plures aliae, quibus concubitus per ἐφημερον indigitatur. De naturali autem necessitate in Sacris Litteris est obvia locutio *pedes tegere* & aliae plures, quas collegit GLASSIUS. Absit autem a nobis, ut statueremus, Israëlitas ceteris gentibus castiores fuisse; Si enim, ut decet, vera fateri velimus, concedendum, quod in hunc usque diem vix fuerit natio magis inconstans, quam hæc; siquidem tota ipsius vitæ ratio fuerit temporia, in adversis perquam moderata, in secundis autem omnia sibi, quæ liberent, etiam licere existimans.

§. IV.

Dum sollicite quidquam consideramus, anima nostra nervos ingenii in singula objecti momenta ita defigit, ut influxum suum in corpus pene negligere videatur. Quare etjam experientia docet, quod meditabundi vix spiritum ducere audeant, ne judicii calculi sic turbentur. Quicunque igitur mature prius deliberant, quid dictu vel factu opus sit, quam exsecutioni se accingant, taciturni plerumque sunt; unde STOBAEUS: οἱ νεζίσιοι λαοὶ αἱθεωταὶ θεραπευταὶ: hoc est: *Optimi quivis etjam breviloquentissimi.* Et quum providis ejusmodi viris nihil fere præter opinionem contingat, constantes quoque & quidem interdum ad rigorem usque esse solent. Attamen iidem ad colendam Societatem parum apti, quod sermone, vinculo societatis, parcus utantur. Hæc quoque integris gentibus applicari possunt, quæ si paucis, sed sententiosis, verbis mentem suam exprimant, ipsis gravitatem & constantiam vulgo tribuimus, quod non immerito fieri, veritatis lux Historia comprobat. Lacedæmonie honestissimum fuisse, senectutis domicilium adfirmare solebat LYSANDER. Scili-

Scilicet juvenes tenebantur audire veterum, qui non minus ludis, quam seriis illorum negotiis intererant, deliberationes, quæ res gravissimas concernebant; quæ cum amplissimam meditandi materiam suppeditarent, de qua pueri etjam non frivola, sed apposita ferrent judicia, facile præsumi potest, quod Spartani a teneris inde gravibus rebus adsverserent. Sed nec morum Censores prolixa desiderabant ratiocinia, nec dubitationum capita tam argute proposita, quam dextre resoluta flagitabant, sed concinnam respcionem postulabat hæc gens, de factorum magnitudine potius, quam verborum multitudine sollicita: quare non minus gravitas, quam breviloquentia Laconica dudum in proverbium abierunt. Dabimus quædam exempla. Lacedæmonii, PHILIPPO Macedoniar Regi, quum Spartæ jam fines ingressus, missus litteris quæsiisset: utrum vellent se amicum venire, an hostem? *εδίπηρος* neutrum responderunt. Eadem rursus injustum, nescio quid, flagitanti respondebant hac unica littera &, hoc est: *non*. Quocirca merito cecinit AUSONIUS:

*Una fuit quondam, qua respondere Lacones
Littera, & irato Regi placuere negantes.*

Porro eadem loquendi brevitas imperiosum quiddam in se continet, quod non singulis convenit populis, sed illis præsertim qui liberi sunt, & satis sentiunt, quantum aurea valeat libertas. Tales fuerunt etjam Spartani, qui a nobilitate sua alienum duxerunt, artes illas, quas sordidas appellavent veteres, tractare, quas proinde generi hominum, qui *Helotes* dicebantur, commiserunt. Sic etiam Romani, si qui alii libertatis suæ amantissimi, non sesquipedalibus verbis aut magno eloquentiæ apparatu utebantur, dum quidquam fieri vellent, præcipiebant, sed breviter strictimque proposuerunt quicquid postularunt, imprimis forent adhuc ipsorum Republica. Non tam

men usquequaque probamus Laconismum; probe gnati,
quod idem pungat magis, quam persvadeat; nec nos fugit,
quod Spartani per nimiam grauitatem & austeros mores
totius ferme Græciæ animos a se abalienaverint.

§. V.

Quamvis Lacedæmone parum distarent Athenæ, alter Græciæ oculus, in utraque tamen civitate reperire licuit homines, tam quoad mores, quam quoad Lingua in dolem toto pæne celo diversos. Memoria certe dignum est, quod HOMERUS varias gentes in suo opere describens, solos tamen Athenienses vocet *Populum*, vel quod iam cum mansuetiores haberentur, vel quod ad formam imperii Democraticam propenderent. Sicut Legislatores ipsorum, DRACONE forte solo excepto, cuius proinde leges non hominis sed draconis quis facete dixit, humani fuerunt, ita naturalem civium feritatem suis institutis tollere nitebantur. Non restringebant præter necessitatem civium libertatem, sed ejusdem usum in publicam felicitatem apte direxerunt. Rigidæ itaque Lacedæmoniorum disciplinæ substituerunt gloriæ studium, tamquam virtutum incentivum. Ita honorum cupiditate flagrabant Athenienses, ad quos quum cruentis passibus in Democratico imperio vix quisquam pervenit, egrediis & φιλανθρωπίας spirantibus factis aliorum benevolentiam sibi devincire tenebantur. Præterea disciplinas quasvis nec non artes tam quæ necessitates vitæ minuerunt, quam quæ commoditatem promoverunt in suam admiserunt civitatem, quæ civium animos politiores reddiderunt. Si rursus consideremus linguam hujus gentis, fatendum omnino erit, Dialectum Atticam ceteris præstantiorem & elegantiorem fuisse: quare Athenæ ελλας της ελλαδος seu compendium quoddam Græciæ a veteribus nuncupabantur. Et apud DEMETRIUM legimus:

τὸν ἄρτιον γλαῦπτον συνεργασίαν πέπχει καὶ δημοποκόν καὶ τοῖς
 τιμώντες εὐτελεπτήναις πεποντοι id est: *Habet autem Attica Lingua rotundum quoddam & populare & hujusmodi urbanitatis aptum.* Scilicet Athenienses exactam habebant verborum & rerum rationem. In ponendo breves erant & apti: in probando accurati: in argumentis illustrandis parcí: ubique gravi pariter judicio atque ingenio elegantiori prædicti. Arte simplices, sine tumore sublimes, sine fuco pulcri: Florem ipsius rei carpere scientes: medium tenentes inter luxuriam ingenii redundantis & penuriam fisci. Quem Linguae Atticæ genium ita confirmat ROLLINUS dans son *Traité des Etudes* Tom. I: *On peut donc accorder ce nom (Atticisme) à un discours, où tout est naturel & tout coule de source, où rien n'est affecté, & cependant où tout plait; où les grandes & petites choses sont dites avec une grace égale quelque différente. Enfin pour conclure en un mot où tout est bien dit; car c'est la definition abrégée, qu'en donne Cicéron: ut bene dicere, id est: Attice dicere.* Nec hoc admodum mirum: sicut enim, ut modo indicavimus, principium civitatis erat gloriae studium; ita rursus Athenis nemo ad honorum gradus ascendere potuit, nisi per eloquentiam aditum sibi ad eosdem parasset, Rhetoribus summam imperii Attici plerumque tenentibus. Erant autem Atheniensium, ne quidem infima plebe excepta, aures teretes & religiosæ, fatente CICERONE, quibus nihil arrisit, nisi quod omnimode esset exquisitum; quum & muliercula THEOPHRASTO, at quanto Oratori, peregrinam Linguam objiceret. Denique Athenienses humanitatem erga omnes & ore & re profitentes, tantum ceteros Græciæ populos sibi devinxerunt, ut hi in certaminibus, quæ inter Athenienses & Lacedæmonios existerent frequentissima, ad Atticas partes haud inviti transfierint.

§. VI.

Inter vetustissimas gentes vix reperitur Natio, quæ tam propter mores, quam Linguam majorem consecuta est famam, quam Populus Romanus. Sicut ipse ex tenui admodum initio & lentis passibus ad honoris culmen, quod diu tenuit, ascendit; ita pro diversitate temporum diversam nobis sistit faciem. Juvat igitur considerare Characterem Romanorum, qualis ipse fuerit, tam florente Republica, quam sub Imperatoribus. Dum itaque libertate adhuc gaudebant Romani, virtutibus quibusvis, quantum Gentilium ferebat conditio, studuerunt, & sicut eximiam fortitudinem in fago, ita non minorem justitiam in toga monstrarunt. In foederibus seruandis quantane Quiritum constantia, adeo ut Saguntum, civitatem sibi devotissimam, interire potius sinerent, quam foedus cum Carthaginiensibus initum præpropere rupisse vellent videri? Quanta ipsorum gravitas in omni vita genere & quanta solicitude, ne quid committerent, quod dignitate Romana esset indignum? Quanta moderatio in secundis, quam ipsis detestabiles omnes pectorum cavillationes? Quam generose fastidiebant illicita quævis media, quamvis maximas res ita facilime efficere possent? Quam denique imperterritus in adversis animus & quanta ferocia, etiam dum HANNIBAL ad portas fulminaret? Robustum adeo populum mascula etiam decebat Lingua. Erat quoque Romana & numerosa & concinna, qua plane & simpliciter significare potuerunt, quicquid fieri vellent, nec sensus verborum quempiam diu suspensum tenuit. Hujus rei luculentissimum inter alia documentum habemus Tractatum Fœderis cum Carthaginiensibus, finito primo bello Punico, initi. Quot enim, quæso, grayia momenta in isto pacis non dicam lineis, sed verbis comprehendantur & in justum

justum rediguntur ordinem? Quam dispar ejus forma ab ea, quæ in fœderibus nostri ævi subinde occurrit? Aliæ mittimus exempla, & tantum observamus, quod forma regiminis valde promoverit Eloquentiæ studium. Nullus enim fuit honoris gradus, ad quem Eques Romanus descendere non potuit, dum fortitudine inclarefceret, & facundo potius ore, quam ambitu, prensationibus & viscerationibus civium sibi devinciret animos. Quam obrem Romani Athenas, tamquam ad acropolim humantatis & eloquentiæ, sese frequenter contulerunt, & Orationes Atticos, sicut exempla perfectissima facundiæ, æmulati sunt. Hinc CICERO, *Demosthenem imitemur. O! Dii boni, quid quasi nos aliud agimus, aut quid aliud optamus? At non adsequimur.* Creuit ita eloquentia Latina atque ex Cecropiis velut favis suam & svavitatem & consistentiam traxit, tantumque Europæis populis placuit, ut hæc sola Lingua diu esset, qua quis grandi, erudita ac nervosa ratione suam exprimere posset mentem; immo ignominiosum habebatur, si quis illustrem Personam alia, quam Latina lingua, alloqui sustineret. Hinc inter alias causas, quibus permotus Rex Svetiæ CAROLUS GUSTAVUS, Poloniae Regi, CASIMIRO, bellum indixit, hanc attulisse fertur, quod hic Reginæ CHRISTINÆ suscepsum a se Poloniae Regnum alias, quam Latina Lingua, significasset. Mutata autem Republica, mutatus quodque fuit genius Romanorum & lingua magnam subiit conversionem. Postquam enim totius orbis divitiis circumfluere cœpit Roma, invecta est pristinæ integritati strages, in Theatris evanuit Romanus vigor, luxusque tam in rebus, quam in verbis redundauit. Nihil amplius valebant gravissimæ de Republica consultationes, quum ex unius nutu omnia gererentur. Hinc laudationum & adsentationum exquisitæ

pompæ extiterunt, non genuinæ Heliconiæ proles, sed inanis imaginationis Empusa, vanitatem Népotum indicantes.

§. VII.

Licet DEus nulli genti eximia naturæ munera, sed incolarum tamen indoli convenientia denegauerit; dubitare tamen vix potest, quin Asiaticis præcipue munifica admodum manu quævis indulserit bona. Hanc enim orbis partem incolentes non solum iis, quæ ad vitæ necessitates spectant, abundant, sed ea etiam quæ ad exquisitissimum luxum & ornatum pertinent, adfatim apud se inueniunt. Felices omnino, si tantis donis modice uterentur; qui vero, quæ ingenii humani est levitas, eisdem sape abutuntur: quare vix molliores aut voluptatibus magis deditos, quam Asiaticos, uspiam terrarum invenies, omniaque ab ipsis, si paucas forte excipias gentes, ad pompam & ostentationem, in qua opulentiam quidem, non item gustum, animaduertes, referuntur. Qui in vita, idem quoque in dictione Asiaticorum cernitur fastus, adeo ut mireris, quomodo tam paucas res tot verborum cumulis exprimere delectentur. Quotne magnificæ similitudines in rebus etiam minoris momenti adhibentur, quotne etjam hyperbolæ, inuitis etjam omnibus gratiis, in orationibus eorum coruscant? Quare rationem styli Asiatiaci redditurus QUINTILIANUS, hanc adferit: *Mibi orationis differentiam fecisse & dicentium & audientium naturæ videntur, quod Attici limati quidem & emuneti, nihil inane aut redundans ferebant, Asiana gens tumidior alioquin & jactantior, vaniori dicendi gloria inflata est.* Si ad specialia descendere & ex illis robur sententiæ nostræ sumere libeat, agedum Chinenses ob oculos ponamus; quam gentem, etiam qui limatioris haberi volunt judicij, adeo admirantur,

ut

ut nihil fere egregii putent, nisi ab orientali hoc mutidi angulo, quem incolunt Chinenses, profectum. Nos vero, ne quid dissimulemus, in hoc populo insignem & Punica ferme majorem vafritem deprehendimus, adeo ut oculatum Argum, nisi animum probe aduertat, fallere possit, certe fallere non dubitet. Adest præterea in ipsis vanus fastus, omnia peregrina alto fastidiens superciliosus: nam se solos utroque oculo præditos esse, Europæos uno, quod reliquum est hominum cœcutire affirmant. Sed nonne haec morum indoles in Lingua Chinensium sese prodit? Infinita fere æquiuocorum cohors, quæ sola toni diuersitas distinguit, & innumeris tricis occasionem præbet, in hac lingua habetur. Tanta quoque est characterum Chinensium farrago, ut, teste FOURMONT in *Linguæ Sinarum Mandarinicæ Grammatica*, unica vox ducentis characteribus saepe respondeat. Immo ut levis est hæc gens; ita in Chinensi lingua vix ullus terminus fixus inuenitur, siquidem abstractum & concretum, actio & passio, res & modus rei, uno eodemque termino exprimi consverint. Vicissim quum Arabes ceteris populis Orientalibus sint alacriores & robustiores, virtutes quasdam excercent, quæ erectæ conueniunt indoli, ut hospitalitatem erga peregrinos, liberalitatis speciem erga egenos, ferme ut splendidi illi latrones in Anglia; Eloquentia quoque eorum grandis est, sed non æque tumida, ac ceterorum Asiæ populorum; quare muli horum linguam Arabicam, ut eruditam, suspiciunt.

§. VIII.

De Africa apud veteres inualuit proverbium:
Quod ipsa semper aliquid novi adferret. Hoc veriverbi-
 um fuisse, non diffitemur, quamdiu Ægyptus, quæ se-
 des disciplinarum a Græcis habebatur, & Romæ æmula,

Carthago, floruerunt. At Majorum & nostro ævo noua
 Africana nigris Cygnis fere sunt rariora; quocirca de
 hac orbis terraque parte pauca nobis perspecta habemus.
 Constat tamen, quod multi incolarum sine legibus &
 imperio ex suo viuant arbitrio, & proinde ferinam fer-
 me degant vitam, nudi incidentes, ibique consedentes,
 ubi herba victum, rivos potum & nemus umbracula
 suppeditauerit. Hi quoque incondito adeo sermone u-
 tuntur, ut gestibus potius quam lingua indicent, quid
 velint, quidue desiderent, utque veteres Geographi hos
 populos sine ore esse venditauerint, ipsosque *Astromos*
 nuncupauerint. Ceteri Africæ incolæ Despotis subsunt
 imperiis, nec tam ciues sunt, quam vilissima mancipia,
 quibus pretium non ex ingenii vigore, sed ex corporis
 viribus statuitur. Ipsi igitur Principes præter modum
 arrogantes sunt, quem fastum verbis quoque significare
 gestiunt, testibus inter alia Litteris, quas Regi Svetiæ
 CHRISTOPHORO BAVARO scripsisse fertur Soldanus Æ-
 gypti, quasque ita orditur: *Baltazar Soldanus, Consanguineus*
Deorum, Babylonie Imperator continuus, Alexander Mace-
do, Dominus dominantium Africæ, Rex Regum Arabiæ,
Chaldeæ, Persiæ, Lybiæ, Barbariæ, Armeniæ, Alexandriæ,
Ægypti, Partiæ, Mediae, Mesopotamie & Hircaniae, Cu-
stos Speluncae Crucifixi. salutem & amicabilem felicitatem. Vid. PERINGSKIÖLD *Theat. Nob. S. p. 122.* Con-
 tra ea subditi jam dejecti sunt & humi repunt, jam
 præter modum truculenti & sævi. Quidam piratica vi-
 etum & amictum querunt, hinc valde feroce & huma-
 nitatis oblii, ut liberos suos Europæis divendant, i-
 psisque permittant, Africanorum cohortes ad seruitia
 Americana, ex quibus nullus reditus, quotannis abdu-
 cere. Punica indoles in his populis adhuc conspicitur:
 unde BOSAMN *dans son Voyage de Guinée: Les Nègres*
 sont

sont tous d' un naturel si fourbe, qu' on ne peut se fier en eux, ils negligent aucune occasion de tromper un European, ou de se tromper les uns les autres. Gilcit quoque tortuosum hoc ingenium in sermone plerorumque Afrorum; quare *Africanum stylum* dixerunt Latini, quicunque esset obscurus, detortus varie, asper, & parum sibi constans, *WEISIUS de Stil. Rom.* p. 334.

§. IX.

Peragravimus hactenus tres mundi partes; vela ventis adhuc damus, cymbam pelago committimus, ut in Americam transfretemus; inquisituri, an Lingua horum populorum moribus eorum conueniat. Plerique Americanorum, loquimur autem de aboriginibus, agrestes sunt & segregem degunt vitam, cultum omnem vel ignorantes vel negligentes; terra sponte sua ipsis suppeditante quid ad victimum & amictum, quo tamen multi non utuntur, pertineat. Mores ejusmodi hominum si quis querat, vel nullos inveniet, vel supinam simplicitatem aut stupidam ferociam spirantes. Nec enim JOSEPHO ACOSTÆ faciles credimus, qui adfirmat: *Majorem barbariem fuisse apud Romanos tempore Taciti, quam apud Americanos.* Nam procul dubio ipse alterutram gentem minus, quam Historicum decet, cognouit. Sic ut igitur Americanorum vita, ita quoque Lingua a cultura maxime abest, & par durities in utraque animadvertisit. Quis nostrum non obstupesceret, si gentem Americanam *PAMEOS*, quæ ad ripas fluuii Amazonici incolit, loquentem audiret? Hic enim populus non efflat spiritum in loquendo, sed retrahit: mira etiam vocum paupertate laborat; in numerando enim ultra ternarium numerum non procedit, & hunc, non ut aliae gentes, monosyllaba

syllaba vel dissyllaba voce effertunt homines, sed longissimum strepentium syllabarum murmur absorbent. Tria enim eorum dialecto *Tarrarorincoiroac* dicuntur; sicut de ipsis memoriae prodit Dominus CONDAMINE, in *Relation d'un voyage fait dans l' interieur de l' Amerique.* Possem equidem, deberem forte etiam, plura adducere exempla in illustrationem præsentis argumenti; sed heic pedem figere, non tam suadet, quam iubet imperiosa necessitas. Quæ adhuc restant, & florentes per Europam gentes concernunt, alia occasione, si DEo visum fuerit atque inceptis faueat successus, expōnere conabor.

